

HOLY SEE PRESS OFFICE  
OFICINA DE PRENSA DE LA SANTA SEDE



BUREAU DE PRESSE DU SAINT-SIEGE  
PRESSEAMT DES HEILIGEN STUHLS

# BOLETTINO

SALA STAMPA DELLA SANTA SEDE

N. 171010g

Tuesday 10.10.2017

## Letter of the Holy Father to the special envoy at the celebrations of the third centenary of the discovery of the statue of Our Lady of Aparecida (10-12 October 2017)

On 12 August 2017, the Holy Father Francis appointed His Eminence Cardinal Giovanni Battista Re, prefect emeritus of the Congregation for Bishops and president emeritus of the Pontifical Commission for Latin America, as his special envoy at the celebrations of the third centenary of the discovery of the statue of Our Lady of Aparecida, patroness of Brazil, to be held at the National Shrine of Aparecida from 10 to 12 October 2017.

The special envoy will be accompanied by a Pontifical Mission composed of the following ecclesiastics:

- Rev. Fr. Marlos Aurélio DA SILVA, C.Ss.R, Superior of the Redemptorist Community of the *Jardim Paulistano* in São Paulo, collaborator in the parish of *Nossa Senhora do Perpetuo Socorro*; professor of theology at the *Istp*; editorial director of the *Editora Ideias e Letras* and member of the Council of Redemptorists in São Paulo;

- Rev. Don Renana Rangel DOS SANTOS PEREIRA, supervisor for vocational pastoral care of the archdiocese of Aparecida; formator in the *Bom Jesus* Missionary Seminary and pastor of the *São Roque* parish in Aparecida.

The following is the Holy Father Francis' letter to His Eminence Cardinal Giovanni Battista Re:

### Letter of the Holy Father

*Venerabili Fratri Nostro*

*IOANNI BAPTISTAE S.R.E. CARDINALI RE*

*Congregationis pro Episcopis Praefecto emerito*

*itemque Pontificiae Commissionis pro America Latina olim Praesidi*

Quae apparuit in caelo contemplanti Ioanni Apostolo, "mulier amicta sole, et luna sub pedibus eius, et super caput eius corona stellarum duodecim", Immaculata Virgo Maria, Mater Dei et nostra, signum magnum constituit fidelibus (cfr *Apc* 12,1). Simili quidem modo trecentos ante annos parvum ac formosum Virginis simulacrum rete e flumine Paraiba extractum praecipuum sane signum factum est Caelestis Matris tuti praesidii quo cunctos in Brasiliensi terra servitudine variisque vitae aerumnis et humana iniustitia confractos Ea amanter complectebatur. Ideo haud mirandum est si usque maior turba ad sanctuarium eius in loco Aparecida vulgo appellato constanter concurrit, suas tribulationes et preces ipsi fidenter praeponens.

Nos autem, qui post initum Petrinum ministerium anno MMXIII paeclarum hoc sanctuarium ipsi invisimus, cordis desiderium ac vestigia Decessorum Nostrorum sequentes, libenter postulationem accepimus, subsignatam a Venerabilibus Fratribus Sergio S.R.E. Cardinale da Rocha, Archiepiscopo Metropolita Brasiliopolitano et Conferentiae Nationalis Episcoporum Brasiliae Praeside, necnon Rolando Brandes, Archiepiscopo Metropolita Apparitiopolitano, omnium Fratrum in Episcopatu et universi populi Brasiliensis nomine enixe poscentibus ut quendam Patrem Purpuratum mitteremus qui diebus statutis inter sollemnia uti Legatus Noster illic adesset.

Te ergo, Venerabilis Frater Noster, Congregationis pro Episcopis Praefectum emeritum, Pontificiae Commissionis pro America Latina olim Praesidem itemque Ecclesiae eminentem Praesulem, prorsus idoneum censemus, cui honorificam hanc missionem fidenter concredamus. Quapropter **Nostrum Missum Extraordinarium** his Litteris te nominamus ut a die X usque ad diem XII proximi mensis Octobris in urbe Apparitiopolitana Nostras partes prudenter agas in festivitatibus conclusionis Anni Mariani Nationalis Brasiliae in trecentesima anniversaria memoria a repperta statua Deiparae Immaculatae Virginis Mariae.

Liturgicis ibi celebrationibus Nostro nomine praesidebis Nostramque benignam adstantibus significabis salutationem, praesertim eiusdem archidioecesis assiduo Pastori ceterisque Fratribus in Episcopatu necnon civilibus auctoritatibus. Populum deinde congregatum ferventer hortaberis ut Redemptoris Matrem pientissime colant, sicut ante maiores eorum agebant, praesertim cotidie sanctum rosarium recitando, sollicitudines ac dolores eidem cum fiducia afferendo, et una cum ea Deum magnificent, "quia respexit humilitatem ancillae sue, qui potens est, et sanctum nomen eius, et misericordia eius in progenies et progenies timentibus eum" (*Lc* 1,48-50). Invitabis insuper ut omnes in Christum credentes suam Evangelio adhaesionem magis consciaciam reddant eamque corroborent, novam evangelizationem vitae testimonio et Mariali oratione foveant ac denique ut cum beati Petri Successore magis magisque in spiritu coniungantur eumque constanter intercessionibus suis Dominae Nostrae concredat.

Nos precibus tuam sustinebimus magni ponderis missionem, dum iam nunc enixe te, Venerabilis Frater Noster, committimus amantissimae tutelae sanctae Dei Genetricis, intercedente etiam sancto Antonio a Sancta Anna Galvão de França, ob peculiarem devotionem in Immaculatam Conceptionem Beatissimae Virginis Mariae insigni. Apostolicam denique Nostram Benedictionem prolixe tibi imprimis elargimur, cum omnibus ad quos mitteris diffuse communicandam.

Ex Aedibus Vaticanis, die XII mensis Septembris, anno MMXVII, Pontificatus Nostri quinto.

FRANCISCUS

---